

Le Comun da San Martin de Tor á l'intenziun da tó sò d'isté 2019 (dal 01 de messé ai 31 d'agost) n studènt/ta por n practicum formatif y de orientamènt ti ofizi de comun. Les domandes é da dé jö cina en jöbia, 02 de ma, dales 12.00 te comun. Formulars y informaziuns plü avisa é da ciafé sön la plata internet dl comun (tofla de comun) o tl ofize personal dl comun.

SAN MARTIN Y LUNGIARÜ

I grups de laur por matrimone y familia y düc i interessá é inviá a na incuntada cun Johanna Brunner, diretura dl ofize matrimone y familia dla diozeja, en dedolönesc, 9 d'aurí, dales 20.00 tl Istitut Ladin. Le tema é: "Mituns y dlíja". Al gnará ince baié de co se sintí comunité y ester deboriada dlíja.

Invit ala sèra cun Siur Tone Fiung söl tema: La vita de copia, s'orèi bun, se respeté, se pordené... en dedolönesc, ai 9 d'aurí, dales 20.00, tla scora mesana da La Ila. Organisaziun: KVV La Ila adöm cun la Cöra da La Ila.

Le KVV invièia vèdues, vèdus y porsones sores ai 22 d'aurí, lönesc de Pasca, al peregrinaje a "San Martino di Schio (VI)" tla dlíja dl "Cenacolo dell' Amore". I piun ia da San Laurènz dales 07.45. Le iade cun marèna costa 40 euro. Prenotesse cina ai 16 d'aurí pro le KVV 0474 411149 o pro osta surastanta.

SAN MARTIN

Incö domènia, 7 d'aurí, vègnel bel perié do osta oferta por curí les spèises ch'i un albü en chësc invern da scialdé la dlíja y la calonia; al é ince la poscibilité da ofrí söl cunt dla cöra: IBAN IT 11 J 08010 58830 000304004922.

Mitans y mituns pó gní a fá deboriada la granara dal orí: en sabeda, 13 d'aurí, dales 10.00, dan calonia. Tolésse do na maza y le patüc (rames, iac, vètes). Les rames d'orí ciaféise dala cöra. I adorassun ince n valgügn peri da daidé!

LUNGIARÜ

La Uniun di Èi da Lungiarü invièia dèr bel düc al referat "Ciodí fej pa movimènt tan bun?" cun le fisioterapist Pepi Costner, en jöbia, ai 11 d'aurí dales 20.30 tla palestra a Lungiarü.

Le Cor Kyrios y le Vinzentiner Knabenchor invièia a so concert en vëndres (12/04) dales 20.00 y en domènia (14/04) dales 18.00 tl Vinzentinum/Porsenú y en mercui (17.04) dales 20.00 tla Ciasa dla Cultura a La Ila.

La Uniun Teater S. Martin invièia incö a súa ultima presentaziun dales 15.00.

Invit al concert incö domènia, 7 d'aurí, dales 20.30, tla dlíja d'Al Plan.

Sorvisc ai Jogn Val Badia: ti proiec "cool summer y my summer" (dala 5^a classa elementara ala 2^a classa scora alta) él ciamo posc lèdi: Jí a ciaval, Curs da nodé, Young gospel-Choir-Soul da ciarcie, Party planner, La ligrèza por le cují, Edema d'aventöra a Riccione, Cujiné a corusc y Adrenaline week. Iscriziuns: www.proiec.org: login da pert dl genitur, selezioné le môt che é bele scrit ite y injunté l' edema, o telefoné 0474 523 070 (lön. - jöb.: 8.00 - 12.00).

La Ciasa de Palsa Ojöp Freinademetz da San Martin chir:

2 infermieres profesjonales cun bi/trilinguism a tēmp plēgn y/o parzial

2 operadèsses sozio-assistenziales cun bi/trilinguism a tēmp plēgn y/o parzial

2 operadèsses sozio-sanitaires cun bi/trilinguism a tēmp plēgn y/o parzial

1 na educadèssa sozuala cun bi/trilinguism a tēmp plēgn

Por informaziuns pón telefoné a 0474 524 786.



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

07.04. – 14.04.19 nr. 19

ultimo termo por comunicaziuns: jöbia dales 20.00

radio: 90,40 / 93,70

5^a DOMÈNIA IA DE CARSÈMA - C

Vangele do Jan 8,1-11

Gejù indere s'á cufé jö y s'á metü a scrì cun le dèit ia por tera.

Canch' ai sighitá da le damanè inant, él lovè sò y ti à dit:

Chèl de os che é zënza picé dess por pröm sciur na pera cuntra d'ëra.

Al s'á indô cufé jö y scriô inant ia por tera.

Do ch' ai â albü aldì súa resposta,

s' un ési jüs un indolater,

danfora i plü vedli.

Gejù é romagnü indô su cun l'ëra

che ê ciamò dailò amez.

Al é lovè sò y ti à dit a d'ëra:

Ëra, olâ ési pa?


Ne t'á condanè degügn?

Ara à respognü: Degügn, Signur.

Dailò ti à dit Gejù:

Gnanca iö ne te condanèii.

Va, y da sègn inant no plü fà picé!



Ai fej i pügns, cöi sò peres, mostra cun i dèic, scraia do vendèta y condanèia.

Gejù scrì tla tera la parora dla reconziliaziun, la parora dl'alianza nòia,

l'invit al past da noza cun Chèl Bel Dî.

Al se cüfa jö sura chësta tera en colpa y scrì ite la parora dla pordenanza

por düc chi che á rot le matrimone, por düc i piciadus

che á tres indô rot l'alianza cun Chèl Bel Dî y n'á nia respognü a so amur.

Signur, tö n'as nia ion le picé, mo t'i os bun al piciadü che stá dan da te.

Nia le pügn stlüt mo la man daverta é to sègn por nos.

Tègnesse tres indô ca danü túa man

ch'i podunse vire da reconziliá te to spirit.

	SAN MARTIN	LUNGIARÜ	UNITÉ PASTORALA  VAL BADIA Vire la Carsëma: 5^a domënia <i>Vangele Lüca 8,1-11</i> <i>Gnanca iö ne te condanëii. Vá y da sëgn inant no plü fa picé!</i> Impuls: I ó baié y cunté le bun de vigni persona!  Gejú dessëgna n cërtil ampl : incër l'acusada y i acusadus. Por che la misericordia ais lerch laite. Deache sce la durëza dl cör stluj fora, él la misericordia che stluj ite y cheriëia comunité. Comunité di piciadus che spera tla pordenanza da d'ël che é la misericordia
07.04.19 5^a DOMËNIA DE CARSEMA – C	9.00 Les Staziuns 9.30 GRAN MËSSA dla Comunité de rengraz. por fam. Lorenz Planatscher + Maria Graffonara (dl ann) Oferta por scialdé la dljia	7.55 Les Staziuns ciantades dal Cor de dljia 8.15 GRAN MËSSA dla Comunité	
08.04.19 Lönesc <i>Walter, Beata, Iulia</i>		16.30 Les Staziuns	
09.04.19 Dedolönesc/Mertesc <i>Waltraud, Konrad</i>	15.30 Mëssa sò Frëina + Pepi Dejaco, Larjëi + Davide Costalunga	19.30 Funziun Penitenziala Confesciuns	
10.04.19 Dedemesaledema <i>Engelbert, Ezechiël</i>	18.00 Les Staziuns	7.50 Mëssa di scolar int. de + + Johann Tatz y Nisio Clara 14.20 Confesciuns di scolar dla mesana	
11.04.19 Jöbia <i>Gemma Galgani, Stanislau</i>	7.30 Mëssa di Sclar en onur di Agnui Custodi + Erna Frenner Corona por vocaziuns		
12.04.19 Vëndres <i>Zeno, Herta</i>	14.15 Confesciuns di scolar dla mesana 19.30 Funziun Penitenziala Confesciuns <i>l'adoraziun toma fora</i>	7.30 Mëssa di scolar + Heinrich Frenademetz (dla Uniun)	
13.04.19 Sabeda <i>Martin, Ida</i>	15.30 Mëssa tla Ciasa de Palsa 18.30 Mëssa prefestia fam. Marco y Johanna Clara + + Giovanni y Pia Trebo, Tor + Sepl Flöss, Anví	20.00 Mëssa prefestia de rengraz. por fam. Emil Sorá + + de Giovanni y Hannele Chiusura	
14.04.19 DOMËNIA DAL ORÍ - C	10.00 Benedisciun dl orí y Ingres Pasciun do S. Lúca y Eucaristia	8.15 Benedisciun dl orí y Ingres Pasciun do S. Lúca y Eucaristia	
Invit: I recordi a düc che la preparaziun a Pasca cun operes de penitënza y cun na dërta revijiun de vita é na grazia particolare por che chësta majera dles festes portes sü früc. <i>le Ploan</i>			